



Bosna i Hercegovina
Federacija Bosne i Hercegovine
Hercegovačko - neretvanski kanton
OPĆINA JABLANICA

SLUŽBENI GLASNIK OPĆINE JABLANICA

4/14

GODINA
XLV

Jablanica, 30. maj 2014.





SLUŽBENI GLASNIK
OPĆINE JABLANICA

broj 4/2014





SADRŽAJ

Red. br.	N A Z I V A K T A	Strana
1.	Odluka o izmjenama i dopunama Budžeta-Proračuna Općine Jablanica za 2014. g	5
2.	Odluka o o izmjenama i dopunama Odluke o izvršenju Budžeta-Proračuna Općine Jablanica za 2014. godinu	7
3.	Politika vođenja javno-privatnog dijaloga u općini Jablanica	7
4.	Odluka – Program o subvencioniranju volontera i zapošljavanju osoba s višim i visokim obrazovanjem do tri godine radnog iskustva	10
5.	Odluka o izmjenama i dopunama Odluke o utvrđivanju visine naknade za preuzeto građevinsko zemljište	13
6.	Odluka o dodjeli na korištenje poslovnih prostorija bez naknade JU Centar za socijalni rad	14
7.	Odluka o proglašavanju nevladinih organizacija od posebnog interesa	15
8.	Odluka o raspodjeli sredstava za rješavanje stambenih potreba boračkih populacija	16
9.	Odluka o raspodjeli sredstava nevladinim i omladinskim organizacijama iz Budžeta – Proračuna Općine Jablanica za 2014. godini po LOD metodologiji	18
10.	Odluka o ovlaštenju „Projektnog zavoda Hercegovina“ d.o.o. Mostar za davanje stručne ocjene u predmetu donošenja rješenja o urbanističkoj saglasnosti	20
11.	Zaključak o neusvajanju Izvještaja o radu Sportskog saveza Jablanica za 2013.godinu	21
12.	Zaključak o finansiranju sportskih kolektiva članica Sportskog saveza Općine Jablanica i ostalih od 1.07.2014.g.	21
13.	Zaključak o utvrđivanju nacrtu Programa uređenja građevinskog zemljišta prema urbanističkom projektu Gornja kolonija.	22





Na osnovu člana 37. Zakona o Budžetima - Proračunima u Federaciji BiH ("Službene novine Federacije BiH", broj: 102/13, 9/14 i 13/14), člana 17. Zakona o principima lokalne samouprave u FBiH ("Sl. novine Federacije BiH" broj: 49/06) i člana 18. i 22. Statuta Općine Jablanica ("Službeni glasnik Općine Jablanica", broj: 2/09) Općinsko vijeće na XIX sjednici održanoj dana 29.05.2014. godine, d o n o s i

**ODLUKA O IZMJENAMA I DOPUNAMA BUDŽETA- PRORAČUNA
OPĆINE JABLANICA ZA 2014. GODINU**

Član 1.

U Budžetu Općine Jablanica za 2014. godinu ("Službeni glasnik općine Jablanica", broj: 7/13) član 1. mijenja se i glasi:

"Član 1

Budžet - Proračun Općine Jablanica za 2014. godinu sastoji se od:

I OPĆI DIO

	Bilans prihoda i rashoda	Funkc. klasif.	Budžet 2014	Izmjene i dopune budžeta za 2014.	Ind. 5:4
1	2	3	4	5	6
PRIHODI: 1.	Bilans prihoda		9.519.200,00	9.519.200,00	100
RASHODI:2.	Bilans rashoda		9.519.200,00	9.519.200,00	100
RAZLIKA	RAZLIKA		0,00	0,00	

Član 2.

U članu 2. u dijelu B - Rashodi i izdaci, pojedine stavke se mijenjaju i glase:

B - RASHODI I IZDACI					
	Bilans rashoda i izdataka	Funkc. klasif.	Budžet 2014	Izmjene i dopune budžeta za 2014.	Ind. 5:4
1	2	3	4	5	6
	UKUPNI IZDACI (I+II+III+IV+V+VI)		9.519.200,00	9.519.200,00	100
610000	I TEKUĆI IZDACI		2.620.000,00	2.623.000,00	100
613000	<i>Izdaci za materijal i usluge</i>		859.000,00	862.000,00	100
613900	Ugovorene i druge posebne usluge	0141	323.000,00	326.000,00	101
614000	II TEKUĆI TRANSFERI I DRUGI TEKUĆI RASHODI		2.845.300,00	2.914.300,00	102
614000	Tekući transfer za izbore		12.000,00	15.000,00	125
614000	Tekući transferi neprofitnim organizacijama		462.400,00	472.400,00	102
614000	Grant općinama nastradalim u poplavama 2014. god.			50.000,00	
614000	Grant pobratimskoj općini Paraćin za elem. nepog.-poplava			10.000,00	
614000	III.I.Prioritetni projekti iz integralne strategije razvoja		689.400,00	685.400,00	99
614000	III.I.III. Projekti okoliša		4.000,00	0,00	0
614000	Edukacija poljoprivrednika o pravilnoj obradi zemlje		3.000,00	0,00	0
614000	Edukacija o prirodnom i kulturno-historijskom nasljeđu		1.000,00	0,00	0
615000	III KAPITALNI TRANSFERI		3.246.300,00	3.174.300,00	98
	Kapitalni izd. po Zak. Parl.FBiH	0112	2.370.800,00	2.248.800,00	95



615000	III.I.Prioritetni projekti iz Integralne strategije razvoja	0112	2.070.800,00	1.948.800,00	94
820000	III.I.III. Projekti okoliša		871.300,00	749.300,00	86
615000	Rekonstr.lokalnog puta Lendava – Topalov greb-Dobrigošće (sufin.i dr.)		80.000,00	70.000,00	88
615000	Projekti IFAD - sufinans. (putevi: Šanica, Ravna-Bijela, Lokve i dr.)		120.000,00	100.000,00	83
615000	Rekonstrukcija vodovoda Dibek		30.000,00	5.000,00	17
615000	Vodovodi - projektovanje (Slatina, Čehari, G.Paprasko)		50.000,00	30.000,00	60
615000	Završetak i puštanje u pogon uređaja za prečišć. otpad.voda „Papraske“		20.000,00	10.000,00	50
615000	Završetak i puštanje u pogon dva prečištača „Ostrožac“		30.000,00	10.000,00	33
615000	Izrada i revizija projekata			10.000,00	
615000	Izrada prostorno-planske osnove		70.000,00	50.000,00	71
615000	Projekti PUO - prikupljanje i odvoz otpada i uređenje plaža		93.000,00	86.000,00	92
615000	III.I.IV. Ostali projekti-ostali kapitalni izdaci		475.500,00	525.500,00	111
820000	Zgrada socijalnog stanovanja-sufinansiranje		100.000,00	160.000,00	160
615000	Povećanje smješt. kapac. u JU „Dom za stara i iznem.lica“ - projekt.		30.000,00	30.000,00	100
615000	Azil za pse - projektovanje		10.000,00	0,00	0

Član 3.

Analitika pojedinih rashoda i izdataka mijenja se i glasi kako je prikazano u tabelama kako slijedi:

ANALITIKA KONTA 613900-UGOVORENE I DRUGE POSEBNE USLUGE

	Rashodi	Funk. klasif.	Budžet 2014	Izmjene i dopune budžeta za 2014.	Ind. 5:4
1	2	3	4	5	6
	A. STRUČNE USLUGE		24.500,00	27.500,00	112
3	Članarina Savez općina, REDAH i drugi	0141	4.000,00	7.000,00	175
	U K U P N O: A + B + C		323.000,00	326.000,00	101

ANALITIKA KONTA 614300 - TEKUĆI TRANSFERI NEPROFITNIM ORGANIZACIJAMA

	Rashodi	Funk. klasif.	Budžet 2014	Izmjene i dopune budžeta za 2014.	Ind. 5:4
	B. TRANSFERI UDRUŽENJ. GRAĐANA., SPORTSKIM, KULTURNO- UMJ. DRUŠT. I DRUGIM ORGANIZACIJAMA		340.600,00	350.600,00	103
1.1.	Grant FK “Turbina” Jablanica			10.000,00	
	U K U P N O: A + B		462.400,00	472.400,00	102

Član 4.

Odluka o izmjenama i dopunama Budžeta - proračuna općine Jablanica za 2014. godinu stupa na snagu danom objavljivanja u “Službenom glasniku Općine Jablanica



Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj: 02-02-1030-1/14-XIX
Jablanica, 29.05.2014. godine

PREDSJEDAVAJUĆI OV-a
Damir Šabanović, dipl.ecc.,s.r.

Na osnovu člana 37.i 38.. Zakona o Budžetima u Federaciji Bosne i Hercegovine („Službene novine Federacije Bosne i Hercegovine“, broj: 102/13,9/14 i 13/14), člana 13. Zakona o principima lokalne samouprave u Federaciji Bosne i Hercegovine (“Službene novine F BiH”, broj:49/06), i člana 18. Statuta Općine Jablanica (“Službeni glasnik općine Jablanica” broj: 2/09), Općinsko vijeće Jablanica, na svojoj XIX sjednici održanoj dana 29.05.2014.godine, donosi

ODLUKU

o izmjenama i dopunama Odluke
o izvršenju Budžeta-Proračuna općine Jablanica za 2014. godinu

Član 1.

U članu 22. Odluke o izvršenju Budžeta – Proračuna općine Jablanica za 2014. godinu dodaje se novi stav koji glasi:

„Sredstva utvrđena u Budžetu općine Jablanica: grant općinama nastradalim u poplavama 2014. godine Općinski načelnik će svojom posebnom odlukom doznačiti sredstava najugroženijim jedinicama lokalne samouprave“.

Član 2.

Ova Odluka stupa na snagu danom objavljivanja u „Službenom glasniku općine Jablanica“.

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj: 02-02-1030-2/14-XIX
Jablanica, 29.05.2014. godine

PREDSJEDAVAJUĆI OV-a
Damir Šabanović, dipl.ecc.,s.r.

Na osnovu člana 18. Statuta općine Jablanica (“Službeni glasnik Općine Jablanica” broj: 2/09), na prijedlog Vijeća za konkurentnost Općine Jablanica, Općinsko vijeće Općine Jablanica, na svojoj XIX sjednici, održanoj dana 29.05.2014.godine 2014. g. donosi

POLITIKU VOĐENJA JAVNO-PRIVATNOG DIJALOGA U OPĆINI JABLANICA

POLITIKA VOĐENJA JAVNO-PRIVATNOG DIJALOGA

Javno-privatni dijalog (JPD) predstavlja jedan od ključnih preduslova za stvaranje povoljnog poslovnog okruženja i cjelokupan održivi razvoj općine Jablanica. Uspostavljanje i vođenje JPD-a predstavlja sastavni dio funkcioniranja lokalne samouprave. U cilju uspostavljanja što kvalitetnijeg dijaloga, Općina je osnovala Vijeće za konkurentnost (VZK), koji čine predstavnici privatnog sektora, civilnog društva i lokalne samouprave.



VIZIJA

Općina Jablanica koristi povoljno privredno okruženje s izraženim, prirodnim, društvenim, tehničkim, kadrovskim i drugim pogodnostima za efektivan razvoj i efikasan nastup MSP na tržištu. Javni i privatni sektor se razvijaju na načelima tržišnog poslovanja i zajednički nalaze rješenja za sve aktuelne probleme lokalne zajednice. Predstavnici javnog, privatnog i civilnog sektora daju aktivan doprinos u radu Vijeća za konkurentnost općine Jablanica i zajedno sudjeluju u donošenju svih važnih odluka.

MISIJA

Putem održivog i učestalog JPD Općina Jablanica privatnom sektoru pravovremeno osigurava pravosnažne informacije, kvalitetnu uslugu, savjete i punu podršku u razvoju MSP, pospješuje proces lokalnog ekonomskog razvoja koji vodi ka participativnom upravljanju razvoja općine.

STRATEŠKI PRAVCI RAZVOJA JAVNO-PRIVATNOG DIJALOGA

Općina Jablanica ima za cilj da razvija, proširuje i unapređuje JPD kroz:

- aktivno uključivanje mikro, malih i srednjih preduzeća i investitora u konsultacije i procese donošenja odluka o ključnim pitanjima razvoja zajednice;
- poticanje i unapređivanje organizacijske kulture koja na demokratski način vrednuje mišljenje javnog, privatnog i civilnog sektora društva, participativnost, inoviranje, proaktivnost i kontinuirano učenje i razvoj;
- prepoznavanje i isticanje privatnog i civilnog sektora društva kao važnog resursa zajednice;
- motiviranje predstavnika privatnog i civilnog sektora društva da se aktivno uključe u planiranje, provođenje i praćenje razvoja zajednice;
- definiranje politika i procedura koje podržavaju i potiču individualnu i organizacijsku efektivnost i efikasnost kako javnog (općinske uprave) tako i privatnog sektora;
- poticanje privatnog sektora na kooperativnu društvenu odgovornost.

ULOGA SUDIONIKA U JPD

1.a. Općinsko vijeće

U provedbi JPD glavnu ulogu ima Općinsko vijeće koje predstavljaju izabrani zastupnici i donosioci odluka sa zadaćom promicanja razvoja općine.

1.b. Vijeće za konkurentnost

Za uspješnu institucionalnu podršku provođenja JPD zaduženo je Vijeće za konkurentnost (u daljem tekstu VZK) koje je imenovano od strane Općinskog vijeća Jablanice.

Zadaća VZK-a je:

- da osigurava kontinuitet rada na JPD-u;
- da prati proces i savjetima pomaže provođenje cjelokupne politike JPD-a kroz razvoj novih projekata i privlačenje finansijskih poticaja;
- da predlaže Općinskom vijeću i Općinskom načelniku veće i kvalitetnije uključivanje svih zainteresiranih strana.

VZK treba poštivati načela transparentnosti, partnerstva i koncentracije.

1.c. Općinski načelnik

Najodgovornija institucija za provođenje JPD je Općinski načelnik. Općinski načelnik ima ključnu ulogu kao pokretač i nosilac procesa JPD-a. Njegova zadaća je i da sinhronizirano prati razvoj i doprinosi JPD.

1.d. Općinske službe

Vrlo važan aspekt JPD je osiguravanje odgovarajućeg stručnog kadrovskog potencijala javne uprave, jer su uspješan institucionalni kapacitet i osposobljenost u općinskoj upravi nužni za učinkovitu komunikaciju između službi i korisnika njihovih usluga koji dolaze iz privatnog sektora. Njihova zadaća je da u saradnji sa VZK i službom za Lokalni ekonomski razvoj (u daljem tekstu Služba za LER) daju operativnu podršku



JPD-u unutar svojih sektora i pruže pomoć u provedbi aktivnosti JPD-a u smislu osiguravanja podataka i pojašnjavanja procedura.

1.e. Služba za Lokalni ekonomski razvoj (LER) općine Jablanica

Osnivač službe za LER je općina Jablanica.

Služba za LER:

- ima ulogu tehničkog sekretarijata općine za JPD;
- provodi, prati i koordinira ukupni JPD općine Jablanica;
- zadužena je za koordiniranje zajedničkih aktivnosti javnog i privatnog sektora;
- zadužena je za nadgledanje (monitoring) provođenja predloženih inicijativa JPD-a.
- je mehanizam kojeg koristi Općinski načelnik u provedbi JPD-a.

Služba za LER-a mora ojačati svoje kapacitete te podići nivo znanja i vještina koji su potrebni za planiranje i upravljanje LER-om.

1.f. Javna preduzeća

Javna preduzeća imaju važnu ulogu u JPD-u jer velikim dijelom svojim radom utječu na poslovanje privatnog sektora, kroz kreiranje ponude na tržištu rada (obrazovne institucije), evidentiranje ponude i potražnje na tržištu rada (biro rada), pružanje i naplatu komunalnih usluga (komunalna preduzeća) i dr.

2. Privatni sektor

Uloga privatnog sektora u JPD-u jest aktivno sudjelovati u oblikovanju povoljnog poslovnog okruženja na lokaalnom nivou kroz relevantne i argumentirane prijedloge i kvalitetne povratne informacije sa terena. Nivo angažiranosti privatnog sektora u JPD-u utječe i na nivo cjelokupnog privrednog razvoja općine Jablanica, stoga je uloga ovog sektora ključna.

3. Civilni sektor

Civilni sektor (NVO-i, poslovna, kulturna, sportska i dr. udruženja) može dati svoj doprinos u JPD-u jer poslovna udruženja ili udruženja poljoprivrednika mogu biti reprezentativni predstavnici nekog sektora, privredne djelatnosti ili većeg broja istomišljenika u ovom dijalogu. Isto tako udruženja (NVO-i) unose element civilnog društva u ekonomskom razvoju zastupajući interese svih građana u području zaštite okoliša, socijalnom i društvenom aspektu razvoja i sl.

AKTIVNOSTI SLUŽBE ZA LOKALNI EKONOMSKI RAZVOJ (LER), U PODRUČJU JPD-a

1. Informisanje privatnog sektora

- Informira i obavještava privatni sektor putem općinske internet stranice, ili posebne web stranice LER-a, putem izvještaja, zvaničnih dopisa i cirkularnih pisama;
- Postepeno uvodi online interakciju sa klijentima iz privatnog sektora i potencijalnim investitorima na web stranicama;
- Razvija plan za komunikaciju/izgradnju odnosa sa poslovnim sektorom;
- Razvija plan za komunikaciju/ izgradnju aktivnosti između sastanaka VZK-a;
- Izrađuje integriranu LER bazu podataka koja će biti dostupna privatnom sektoru. LER baza podataka mogla bi npr. uključivati: podatke o lokacijama za investiranje, podatke o raspoloživim poslovnim prostorima, podatke o raspoloživim ljudskim resursima, podatke o kontaktima i aktivnostima JPD-a, podatke o projektima i sl.

2. Konsultovanje privatnog sektora

- Uključuje privatni sektor u proces strateškog planiranja;
- Uključuje privatni sektor u praćenje provođenja strateškog plana razvoja;
- Analizira ciljeve strategije razvoja općine Jablanica koji se tiču razvoja privatnog sektora;
- Osigurava da su svi planovi JPD u skladu sa strategijom;
- Anketira privatni sektor u vezi njihovih potreba, funkcionalnosti servisa koji pruža lokalna administracija, povoljnosti lokalnog poslovnog okruženja, specifičnih potreba i intervencija privatnog sektora i dr;
- Periodično posjećuje privrednike i razmatra važna pitanja za razvoj njihove konkurentnosti;



- Pažljivo analizira preporuke i inicijative predložene od udruženja i zainteresiranih strana te iznosi ta pitanja pred VZK u što kraćem vremenu.

3. Savjetovanje privatnog sektora i pružanje konkretne podrške

- Pruža podršku MSP-ima da se organiziraju u funkcionalno udruženje;
- Posebno pazi na uključivanje poljoprivrednih proizvođača u JPD;
- Kreira usluge „none-stop-shop“ u saradnji sa Općinom Jablanica;
- Kreira, razmatra i predlaže prijedloge intervencija u vezi jačanja konkurentnosti privatnog sektora i poboljšanja poslovnog okruženja;
- Koordinira zajedničke aktivnosti javnog i privatnog sektora u vezi implementacije prijedloga za unapređenje konkurentnosti;
- Pruža podršku privatnom sektoru u razvijanju standardnih paketa poticaja, grantova i subvencija, koji će dobiti dodatnu podršku kroz dobro formulirane općinske odluke i biti utemeljeni na pažljivo definiranim kriterijima;
- Organizira edukacije za privatni sektor u pisanju projekata za EU pretpristupne fondove;
- Pruža neophodnu logističku podršku postojećim i budućim domaćim i stranim investitorima.

4. Uključivanje privatnog sektora u proces donošenja odluka o razvoju zajednice i unapređenju poslovnog okruženja

- Uključuje privatni sektor u odlučivanje o razvojnim prioritetima;
- Uključuje privatni sektor u donošenje odluka o svim važnim pitanjima, uključujući i izgradnju općinske infrastrukture za potrebe privrede i razvoja proizvodnih lokacija.

●

5. Informisanje, konsultovanje i savjetovanje civilnog sektora

- Uključuje civilni sektor u odlučivanje o razvojnim prioritetima;
- Uključuje civilni sektor u donošenje odluka o svim važnim pitanjima;
- Organizira edukacije za civilni sektor u pisanju projekata za EU pretpristupne fondove;
- Pažljivo analizira preporuke i inicijative predložene od udruženja i zainteresiranih strana, te iznosi ta pitanja pred VZK u što kraćem vremenu.

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE

PREDSJEDAVAJUĆI OV-a
Damir Šabanović, dipl.ecc.,s.r.

Broj: 02-02-1030-6/14-XIX
Jablanica, 29.05.2014. godine

Na osnovu člana 8. Zakona o principima lokalne samouprave u Federaciji BiH („Službene novine Federacije BiH“ br: 49/06), člana 18. Statuta Općine Jablanica („Službeni glasnik Općine Jablanica“ br. 2/09), Općinsko vijeće Jablanica na svojoj XIX sjednici, održanoj dana 29.05.2014. godine, ***donosi***

ODLUKU-PROGRAM

o subvencioniranju volontera i zapošljavanju osoba s višim i visokim obrazovanjem do tri godine radnog iskustva

Član 1.

Ovom odlukom utvrđuje se način subvencioniranja volontera za prijem na stručno osposobljavanje za samostalan rad, bez zasnivanja radnog odnosa (volonterski rad), kao i zapošljavanje osoba sa područja općine Jablanica sa završenom visokom i višom stručnom spremom, kako bi stekli radno iskustvo do ukupno tri godine, uključujući i jednu godinu volontiranja.



Subvencioniranje se vrši iz sredstava Budžeta Općine Jablanica, stavke: „Subvencije za zapošljavanje pripravnika i volontera“ i „Izdaci za volonterski rad“.

Subvencioniranje u zapošljavanju mladih osoba sa visokom i višom stručnom spremom omogućava se javnim ustanovama, javnim preduzećima, Općini Jablanica i drugim samostalnim organima uprave čiji je osnivač Općina, kao i drugim pravnim subjektima na području općine Jablanica (u daljem tekstu Subjekti) koji će prijavom na objavljeni Javni poziv iskazati svoje potrebe za obučavanjem volontera i zapošljavanjem nezaposlenih osoba.

Član 2.

Ciljna grupa su osobe sa prebivalištem na području općine Jablanica ne kraćem od 6 mjeseci, s izuzetkom lica koja prijavljuju prebivalište u Jablanici nakon završenog školovanja, i to:

- nezaposlene osobe na evidenciji Biro-a rada Jablanica sa visokom i višom stručnom spremom bez radnog iskustva od jedne godine;
- lica koja su po programu subvencioniranja od strane Općine ili po drugim programima sufinansiranja stekli radno iskustvo od do dvije godine, tj. ciljna grupa su lica sa jednom i dvije godine radnog iskustva;
- lica sa VSS i VŠS koja su obavila volonterski ili pripravnički staž u obrazovnim institucijama i drugim subjektima, a kojima je staž vezan za školsku godinu i koja nemaju punu godinu radnog iskustva;
- lica sa VŠS koja su u periodu trajanja volonterskog ili pripravničkog staža stekla veći stepen stručne spremlje, a nemaju jednu godinu radnog iskustva;
- ciljna grupa po ovoj Odluci su i osobe sa VSS medicinskog usmjerenja, bez obzira imaju li jednu godinu radnog iskustva (u kategoriji zaposlenika)

Član 3.

U skladu sa raspoloživim sredstvima za volontere se subvencionira mjesečni iznos za ishranu za vrijeme rada (topli obrok) ili za naknadu koja je po zakonu određena, naknadu za prevoz na posao i sa posla i osiguranje za slučaj povrede na radu i profesionalne bolesti.

U skladu sa raspoloživim sredstvima za zaposlenike se subvencionira mjesečni iznos u visini najniže bruto plaće, koja se utvrđuje odvojeno za svaki mjesec kao umnožak bruto satnice i punog radnog vremena u mjesecu za koji se vrši obračun.

Trajanje subvencije je za period od 12 mjeseci za volontere sa visokom stručnom spremom, odnosno 9 ili 6 mjeseci za volontere sa višom stručnom spremom.

Trajanje subvencije je za period od 12 mjeseci za zaposlenike sa visokom i višom stručnom spremom, uz mogućnost (prioritetno) da Subjekti sa istim zaposlenikom produže još jednu godinu na osnovu Javnog poziva koji bi bio objavljen u narednim godinama.

Ugovor o volonterskom radu se zaključuje u pismenoj formi na vrijeme koje je potrebno da volonter uradi volonterski rad. Subvencioniranje se vrši u periodu 01.01.do 31.12. budžetske godine.

Ugovor o radu sa zaposlenikom se zaključuje u pismenoj formi na period od jedne godine uz mogućnost produženja za još jednu godinu. Subvencioniranje se vrši u periodu 01.01. do 31.12. budžetske godine.

Sredstva za subvencioniranje volontera i zaposlenika po ovom pozivu planiraju se u budžetu za 2015. godinu.

Član 4.

Odabir kandidata (formiranje rang liste) će vršiti Komisija formirana od strane Općinskog načelnika, a činit će je predstavnici Općine Jablanica, predstavnici zainteresovanih pravnih Subjekata koji mogu učestovati u Javnom pozivu, a u skladu sa kriterijima o bodovanju koje donosi Općinski načelnik na osnovu sljedećeg:

I Volonteri

- a) vrijeme provedeno na Biro-u rada Jablanica;
 - a) Za lica sa VSS
 - 0-3 mjeseca – 3 boda
 - od 3-6 mjeseci – 5 bodova
 - od 6 -12 mjeseci -10 bodova
 - više od 1 godine – 15 bodova



- b) Za lica sa VŠS
- više od 2 godine – do 2 godine i 3 mjeseca – 3 boda
 - od 2 godine i 3 mjeseca - do 2 godine i 6 mjeseci – 5 bodova
 - od 2 godine i 6 mjeseci – 3 godine -10 bodova
 - više od 3 godine – 15 bodova
- b) kandidat bez jednog ili oba roditelja (porodice poginulih, umrlih, nestalih branilaca)
- Kandidat bez jednog ili oba roditelja
 - bez jednog roditelja3 boda
 - bez oba roditelja.....10 bodova
 - bez jednog roditelja (porodica šehida) ...10 bodova
- c) lična invalidnost
- Manje od 60 % - 6 bodova
 - Invalidnost 60 % - 8 bodova
 - Invalidnost 70 % - 10 bodova
 - Invalidnost 80 % - 12 bodova
 - Invalidnost 90 % - 14 bodova
 - Invalidnost 100 % - 20 bodova
- d) demobilisani borci - 10 bodova.
- e) intervju sa kandidatima, na osnovu personalnih karakteristika, iskazane sposobnosti kandidati se ocjenjuju bodovima u rasponu od 1 do 5 bodova.

II Zaposlenici

- a) vrijeme provedeno na Biro-u rada Jablanica:
- do dvije godine – 5 boda
 - od 2 godine - do 3 godine – 10 bodova
 - više od 3 godine – 15 bodova
- b) kandidat bez jednog roditelja (porodica šehida) ...10 bodova
- c) intervju sa kandidatima, gdje se ocjenjuju personalne karakteristika, iskazane sposobnosti kandidata koje se ocjenjuju bodovima u rasponu od 1 do 5 bodova
- d) demobilisani borci – 10 bodova.

U slučaju istog broja bodova dva i više kandidata prioritet će imati kandidat sa većim periodom čekanja posla iskazanog na potvrdi Biroa za zapošljavanje.

Član 5.

Na osnovu utvrđene rang liste po stručnim spremama Komisija za odabir kandidata će izvršiti raspored kandidata volontera, dok će konačnu odluku o rasporedu prijavljenih pravnih Subjekata, a u skladu sa iskazanim potrebama i prioritetima za određenim kadrovima od strane Subjekata, donijeti Općinski načelnik u saradnji sa nadležnim općinskim Službama.

Na osnovu utvrđene rang liste po stručnim spremama Komisija za odabir kandidata će izvršiti raspored kandidata zaposlenika, dok će Općinski načelnik u saradnji sa nadležnim općinskim Službama donijeti konačnu odluku o rasporedu prijavljenih Subjekata za subvencioniranje zapošljavanja. Konačnu odluku o izboru kandidata, sa dostavljenim listama kandidata, vršiće prijavljeni poslodavac.

Član 6.

Ovom Odlukom se određuje da će se utvrditi broj volontera i zaposlenika koji će se osposobljavati, a na osnovu analize nadležne općinske službe i evidencije Biroa rada Jablanica i prijave poslodavaca na Javni poziv. Utvrđivanja broja volontera i zaposlenika koji će subvencionirani odredit će se najkasnije do podnošenja prijedloga Budžeta Općine Jablanica za 2015. godinu.



Član 7.

Za provođenje ove Odluke zadužuje se Općinski načelnik i nadležna Služba općine Jablanica, uz obavezu da sačini Javni poziv i utvrdi sadržaj i uslove javnog poziva, odredi rok za prijave aplikacija, akreditovanje organizatora volontiranja i donese konačnu odluku o broju i rasporedu prijavljenih lica za osposobljavanje i zapošljavanje kod pravnih subjekata uz obavezu izrade prijavnog obrasca i ugovora koji bi bili korišteni prilikom provođenja Javnog poziva.

Nakon okončanja postupka izbora volontera i zaposlenika, Općinskom vijeću će se dostaviti informacija o realizaciji programa volontiranja i zapošljavanja.

Član 8.

Iz sredstava Budžeta Općine Jablanica predviđenih za subvencioniranje pripravnika-volontera VSS i VŠS, koji odrađuju staž po drugim programima zapošljavanja, određuje se iznos do 8,00 KM po jednom radnom danu, a na ime naknade za topli obrok, naknadu za prevoz i za osiguranje za slučaj od povrede naradu i profesionalne bolesti, a do isteka ugovora koji volonteri imaju sa Javnim ustanovama. Maksimalan broj ovih lica je 10.

Član 9.

Ova Odluka stupa sa snagom danom donošenja, primjenjivat će se za tekuću budžetsku godinu i objavit će se u Službenom glasniku Općine Jablanica.

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj: 02-02-1030-5/14-XIX
Jablanica, 29.05.2014. godine

PREDSJEDAVAJUĆI OV-a
Damir Šabanović, dipl.ecc.,s.r.

Na osnovu člana 41. Odluke o građevinskom zemljištu («Službeni glasnik Općine Jablanica», broj: 1/14) i člana 18. Statuta Općine Jablanica («Službeni glasnik općine Jablanica» broj:2/09), Općinsko vijeće Jablanica, na XIX redovnoj sjednici održanoj dana 29.05.2014.godine, d o n i j e l o j e

ODLUKU

o izmjenama i dopunama Odluke o utvrđivanju visine naknade za preuzeto građevinsko zemljište

Član 1.

U članu 2. stav 1. Odluke o utvrđivanju visine naknade za preuzeto građevinsko zemljište broj: 02-02-130-3/14-XV od 30.01.2014.godine («Službeni glasnik općine Jablanica» broj:1/14) vrši se izmjena i dopuna na način da se u tabelarnom prikazu dodaje:

ZONA	Tržišna vrijednost u KM
VI	3,00

Član 2.

U članu 2. stav 2. mijenja se i glasi:

“Odlukom o građevinskom zemljištu («Službeni glasnik Općine Jablanica», broj: 1/14), utvrđene su zone gradskog građevinskog zemljišta u Općini Jablanica.

Član 3.

Ova Odluka stupa na snagu danom donošenja, a ista će biti objavljena u «Službenom glasniku općine Jablanica».



Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj: 02-02-1030-7/14-XIX
Jablanica, 29.05.2014. godine

PREDSJEDAVAJUĆI OV-a
Damir Šabanović, dipl.ecc.,s.r.

Na osnovu člana 18. Statuta općine Jablanice („Sl.glasnik Općine Jablanica“, br. 2/09), a u vezi člana 28. Odluke o prodaji i davanju u zakup poslovnih prostorija („Sl.glasnik Općine Jablanice“, br. 2/06) i člana 4 .Odluke o načinu korištenja poslovnih prostorija br. 01-25-1603/06 od 28.06.2006.godine, Općinsko vijeće Jablanica na svojoj XIX sjednici održanoj dana 29.05.2014. godine d o n i j e l o j e

ODLUKU o dodjeli na korištenje poslovnih prostorija bez naknade

Član 1.

JU „Centar za socijalni rad“ Jablanica (u daljem tekstu Korisnik) daju se na korištenje poslovne prostorije i to 5 (pet) kancelarija i 3 (tri) ostave ukupne korisne površine od 77,47 m², uz zajedničko korištenje WC-a sa ostalim korisnicima, koje se nalaze u prizemlju poslovne zgrade u ulici Omladinsko šetalište izgrađene na katastarskoj parceli broj 344, upisana u kk uložak 1197 K.O. Jablanica.

Član 2.

Poslovne prostorije iz prethodnog člana, Korisnik će koristiti bez naknade s tim što je dužan snositi sve troškove koje proističu iz ovog korištenja-troškove električne energije, komunalne usluge, telefonske usluge i ostale troškove.

Član 3.

Korisnik je dužan prostorije savjesno koristiti i vršiti redovno održavanje, s tim da se preinake na prostorijama mogu vršiti samo uz saglasnost Općine Jablanica.

Član 4.

Korištenjem poslovnih prostorija iz čl.1. ove Odluke prestaje pravo korisnika na korištenje poslovnih prostorija bez naknade u poslovnoj zgradi u ulici Doljanka bb izgrađene na katastarskoj parceli broj 543, upisana u kk uložak 215 K.O. Jablanica.

Član 5.

U roku od 15 dana od dana donošenja ove odluke Općinski načelnik zaključiće sa korisnikom Ugovor o korištenju poslovnih prostorija bez naknade na period najduže do 5 (pet) godina.

Član 6.

Ova Odluka stupa na snagu danom objave u Službenom glasniku Općine Jablanica.

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj: 02-02-1030-10/14-XIX
Jablanica, 29.05.2014. godine

PREDSJEDAVAJUĆI OV-a
Damir Šabanović, dipl.ecc.,s.r.



Na osnovu člana 18. Statuta općine Jablanica („Službeni glasnik općine Jablanica, br. 2/09“), a u skladu sa stavom i mišljenjem Komisije za budžet i društveni nadzor broj: 02-02-600/13 od 27.12.2013.godine, Općinsko vijeće Jablanica na svojoj XIX sjednici održanoj dana 09.05.2014. godine, d o n o s i

O D L U K U

o proglašavanju nevladinih organizacija od posebnog interesa

Član 1.

Ovom Odlukom se uređuje finansiranje redovnih djelatnosti nevladinih organizacija koje su od posebnog interesa za Općinu Jablanica.

Član 2.

Općina Jablanica iskazuje poseban interes za finansiranje programa i programskih aktivnosti udruženja građana (nevladinih organizacija) koja:

- pomažu u rješavanju socijalnih i drugih problema određenih kategorija stanovništva (invalidna lica, boračke populacije, šehidske porodice i porodice poginulih boraca, stare, bolesne i osobe sa posebnim potrebama);
- rade na problemu rješavanja statusa problema određenih ugroženih kategorija stanovništva;
- organizuju i provode aktivnosti koje značajno podižu nivo zdravstvene i socijalne zaštite na području općine, a nisu dio osnovnih djelatnosti postojećih ustanova;
- bave se aktivnostima zaštite i spašavanja ljudi i materijalnih dobara;
- koja svoje aktivnosti provode u sklopu nacionalnih društava sa područja općine Jablanica.

Član 3.

Na području općine Jablanica za udruženja od posebnog interesa, a u skladu sa članom 2. ove Odluke, proglašavanju se slijedeće nevladine organizacije:

- Organizacija porodica šehida i poginulih boraca Jablanica;
- JOB Unija veterana Jablanica;
- U.G. RVI-a Jablanica;
- Udruženje penzionera/umirovljenika Jablanica;
- Udruga roditelja i udovica poginulih;
- UDVDR HVO;
- HVIDRA;
- U.G. Civilnih žrtava rata Jablanica;
- SABNOR Jablanica;
- Crveni križ Jablanica;
- MDD Merhamet Jablanica;
- Udruženje slijepih i kratkovidnih osoba;
- Udruženje Gorska služba spasavanja-stanica Jablanica;
- Dobrovoljno vatrogasno društvo;
- BZK Preporod Jablanica;
- Udruženje Roma Jablanica.

Nevladina organizacija proglašena udruženjem od posebnog interesa, zahtjevom nadležnoj službi može tražiti poništenje statusa posebnog interesa.

Nadležna služba izdaje potvrdu o gubitku statusa nevladine organizacije od posebnog interesa.

Član 4.

Za finansiranje nevladinih organizacija iz člana 3. ove Odluke neće se primjenjivati Odluka o načinu odabira projekata nevladinih/neprofitnih organizacija po LOD metodologiji, shodno tome gore navedena udruženja ne mogu predlagati projekte za finansiranje iz drugih budžetskih stavki (izuzev nacionalnih društava sa područja općine Jablanica).

**Član 5.**

Finansiranje rada nevladinih organizacija iz člana 3. ove Odluke vrši se prema propisanoj proceduri izrade Budžeta/Proračuna Općine Jablanica. Uz budžetski zahtjev, nevladina organizacija prilaže program rada za narednu godinu i izvještaj o utrošku korištenih sredstava i provedenih aktivnosti u prethodnoj godini nadležnoj općinskoj službi. Shodno tome će predlagač Budžeta/Proračuna formirati prijedloge finansiranja programa udruženja od posebnog interesa za narednu godinu.

Konačnu odluku o sredstvima koja se dodjeljuju udruženjima od posebnog interesa donosi Općinsko vijeće Jablanica.

Član 6.

Nakon usvajanja Budžeta/Proračuna Općine Jablanica sredstva za rad nevladinih organizacija isplaćivat će se u mjesečnim tranšama, a u skladu sa visinom odobrenih sredstava za tekuću godinu.

Član 7.

Nevladina organizacija može konkurisati za finansiranje cijelog programa rada ili za dio nedostajućih sredstava i dužna je da to naznači.

Član 8.

Nevladina organizacija od posebnog interesa, koja je za program dobila sredstva u ukupnom iznosu cijene programa od drugog donatora, ne može učestvovati u raspodjeli sredstava iz Budžeta/Proračuna Općine Jablanica.

Član 9.

Nevladine organizacije od posebnog interesa, kojima su dodjeljena sredstva za programe podnose nadležnoj općinskoj službi izvještaj o realizaciji programa sa finansijskim izvještajem, do isteka godine za koju su sredstva dodjeljena, što je preduslov za podnošenje budžetskog zahtjeva i programa rada za narednu godinu.

Član 10.

Ova Odluka stupa na snagu osam dana od objavljivanja u Službenom glasniku Općine Jablanica, a primjenjivat će se od 01.01.2015.godine

Bosna i Hercegovina
Federacija Bosne i Hercegovine
Hercegovačko-neretvanski kanton

OPĆINA JABLANICA
OPĆINSKO VIJEĆE

Broj: 02-02-1030-4/14-XIX
Jablanica, 29.05.2014. godine

PREDSJEDAVAJUĆI OV-a
Damir Šabanović, dipl.ecc.,s.r.

Na osnovu člana 18. Statuta općine Jablanica (Službeni glasnik Općine Jablanica broj: 2/09), člana 33. a u vezi sa članom 26. Pravilnika o uslovima, načinu, postupku i kriterijima za pružanje pomoći u rješavanju stambenih pitanja porodica poginulih, umrlih i nestalih branilaca-branitelja i boračkih populacija («Sl. glasnik općine Jablanica», br.2/10), a u skladu sa Rang listama porodica šehida-poginulih, nestalih i umrlih boraca-branitelja; ratnih vojnih invalida i demobilisanih boraca, Općinsko vijeće Jablanica na XIX sjednici održanoj 29.05.2014. godine donijelo je

ODLUKU**o raspodjeli sredstava za rješavanje stambenih potreba boračkih populacija****Član 1.**

Pripadnicima boračkih populacija dodjeljuju se sredstva kao pomoć u rješavanju stambenih potreba pripadnika boračkih populacija u 2014. godini u ukupnom iznosu od 30.000,00 KM i to kako slijedi:



1. Porodice šehida-poginulih, nestalih i umrlih branilaca-branitelja 10.000,00 KM, od toga:
2 kredita od po 5.000,00 KM

R.broj	Prezime i ime	Namjena	Iznos
1.	Rizvić Mejra	Sanacija stana	5.000,00 KM S.R.
2.	Kevrić Smajl	Sanacija kuće	5.000,00 KM S.R.

2. Ratni vojni invalidi 11.000,00 KM od toga:
1 kredit od 2.000,00 KM
6 kredita od po 1.500,00 KM

R.broj	Prezime i ime	Namjena	Iznos
1.	Klepo Mirsada	Adaptacija kuće	1.500,00 KM
2.	Imamović Ćamil	Adaptacija kuće	1.500,00 KM
3.	Hindić Esad	Izgradnja kuće	2.000,00 KM
4.	Zebić Adnan	Sanacija kuće	1.500,00 KM
5.	Šehić Ahmed	Adaptacija kuće	1.500,00 KM
6.	Čilić Šaćir	Sanacija kuće	1.500,00 KM
7.	Klepo Salko	Sanacija kuće	1.500,00 KM

3. Demobilisani borci 9.000,00 KM od toga:
9 kredita od po 1.000,00 KM

R.broj	Prezime i ime	Namjena	Iznos
1.	Hindić Refik	Sanacija kuće	1.000,00 KM S.R.
2.	Ivković Edin	Izgradnja kuće	1.000,00 KM
3.	Hindić Ragib	Izgradnja kuće	1.000,00 KM
4.	Džino Memsur	Sanacija kuće	1.000,00 KM
5.	Klepo Nerman	Sanacija kuće	1.000,00 KM
6.	Begić Azim	Sanacija kuće	1.000,00 KM
7.	Šahović Safet	Sanacija stana	1.000,00 KM
8.	Proho Remzo	Sanacija stana	1.000,00 KM
9.	Širić Nusret	Izgradnja kuće	1.000,00 KM

Član 2.

Pojedinačni iznosi sredstava iz člana 1. dodjeljuju se korisniku sredstava kao kreditna i bespovratna u omjeru 70%:30% pojedinačno dodjeljenih sredstava.

Član 3.

U skladu sa članom 5. a u vezi sa članom 32. stav 2. Pravilnika o uslovima, načinu, postupku i kriterijima za pružanje pomoći u rješavanju stambenih pitanja porodica poginulih, umrlih i nestalih branilaca-branitelja i boračkih populacija, budući da je pripadajući iznos sredstava namijenjen za porodice poginulih, umrlih i nestalih branilaca/branitelja u iznosu od 500,00 KM ostao neraspoređen, to su navedena sredstva preusmjerena na kategoriju ratnih vojnih invalida do njihovog utroška.

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj: 02-02-1030-8/14 -XIX
Jablanica, 29.05.2014. god.

PREDSJEDAVAJUĆI OV-a
Damir Šabanović, dipl.ecc.,s.r.



Na osnovu člana 18. Statuta Općine Jablanica («Službeni glasnik Općine Jablanica» broj: 2/09), člana 12. Odluke o načinu odabira projekata nevladinih/neprofitnih organizacija po LOD metodologiji («Službeni glasnik Općine Jablanica» broj: 2/13), a u vezi sa Javnim pozivom za kandidovanje projekata nevladinih organizacija koji će se finansirati iz Budžeta – Proračuna Općine Jablanica za 2014. godinu, Općinsko vijeće Jablanica na svojoj XIX sjednici, održanoj dana 19.05.2014. godine, d o n i j e l o j e

O D L U K U

o raspodjeli sredstava nevladinim i omladinskim organizacijama iz Budžeta – Proračuna Općine Jablanica za 2014. godini po LOD metodologiji

Član 1.

Odobravaju se sredstva nevladinim organizacijama sa područja općine Jablanica po Javnom pozivu za kandidovanje projekata nevladinih organizacija koji će se finansirati iz Budžeta – Proračuna Općine Jablanica za 2014. godinu opredjeljenih za projekte nevladinih i omladinskih organizacija.

Ovom Odlukom na osnovu provedene propisane procedure utvrđuje se lista projekata od rednog broja 1 do 18 koji su odabrani za finansiranje projekata nevladinih organizacija u 2014. godini:

PROJEKTI NEVLADINIH ORGANIZACIJA

R.Br.	Naziv NVO	Naziv projekta	Odobrena sredstva	Bodovi
1	EKO Neretva Jablanica	Uređenje školskog dvorišta srednje škole -	1.000,00 KM	95
2	Savez poljoprivrednih udruženja Jablanica	Sajam zdrave hrane, ljekobilja i pčelarstva 2014	1.000,00 KM	92
3	Organizacija porodica šehida i poginulih boraca općine Jablanica	Pomoć porodicama članova udruženja	1.000,00 KM	91
4	USR "Glavatica" Jablanica	Internacionalni kup "Jablaničko ljeto 2014"	1.000,00 KM	88
5	JOB "Unija veterana-demobilisanih boraca" Jablanica	Obilazak spomen ploča	1.000,00 KM	87
6	NVO "Cetina-Prenj" Jablanica	Gastro ponuda na selu	1000,00 KM	87
7	AMK "Sunce" Jablanica	Regionalno saobraćajno-obrazovno takmičenje Jablanica 2014	1.000,00 KM	87
8	JOB "Unija veterana-demobilisanih boraca" Jablanica	Obilazak mezara i porodica saboraca (20 godina od pogibije)	1.000,00 KM	86
9	U.G. RVI Jablanica	Doškolovanje RVI i pružanje pomoći djeci RVI za školovanje	1.000,00 KM	86
10	U.G. Civilnih žrtava rata Jablanica	Život sa bolom u porodici i društvu	1.000,00 KM	85
11	EKO Neretva Jablanica	Sačuvajmo naše plaže	1.000,00 KM	84
12	AMK "Sunce" Jablanica	Autosjedalice uvijek i bez izuzetka	1.000,00 KM	83



13	BZK "Preporod" Jablanica	Pomoć polaznicima škole harmonike	1.000,00 KM	82
14	Udruženje penzionera/umirovljenika Jablanica	Nabavka vakcina za teško bolesne i nepokretne članove	1.000,00 KM	79
15	Badminton klub "NET SPIN" Jablanica	Zajedno u novi sport zajedno u novu budućnost	1.000,00 KM	79
16	USR "Glavatica" Jablanica	Ribarski prilazi	1.000,00 KM	75
17	Udruženje građana "Pravna pomoć" Jablanica	Pružanje informacija, savjeta i pravne pomoći socijalno ugroženim građanima	1.000,00 KM	73
18	Odred izviđača "Jablan" Jablanica	Izviđačka edukacija	1.000,00 KM	72
U K U P N O			18.000,00 KM	

Član 2.

Ovom Odlukom utvrđuje se iznos od 2.000,00 KM koji će se koristiti za vanredne intervencije (hitne i nepredviđene slučajeve) za projekte nevladinih organizacija koji se pojave tokom godine, a koje će svojim zaključkom odobriti Općinski načelnik.

Član 3.

Ovom Odlukom na osnovu provedene propisane procedure utvrđuje se lista projekata od rednog broja 1 do 8 koji su odabrani za finansiranje projekata omladinskih organizacija u 2014. godini:

PROJEKTI OMLADINSKIH ORGANIZACIJA

R.Br.	Naziv NVO	Naziv projekta	Tražena sredstva za 2014. godinu	Bodovi
1	Omladinski klub "Pod istim suncem" Jablanica	NISMO SAMI-dnevni boravak za mlade	1.750,00 KM	94
2	Omladinski klub "Pod istim suncem" Jablanica	Škola kanua za mlade na Jablaničkom jezeru	2.000,00 KM	93
3	Omladinski klub "Pod istim suncem" Jablanica	Mladi za kulturu	1.750,00 KM	92
4	OKC "UrbanArt" Jablanica	Rock maraton-Demo fest 2014	1.500,00 KM	91
5	Omladinska organizacija "Prenj" Jablanica	Ljetne igre 2014	1.500,00 KM	90
6	OKC "UrbanArt" Jablanica	Dnevni boravak	1.500,00 KM	88
7	Centar za edukaciju "Narenta" Jablanica	Mala škola engleskog jezika	1.500,00 KM	85



8	Centar za edukaciju "Narenta" Jablanica	Mala škola njemačkog jezika	1.500,00 KM	84
	UKUPNO		13.000,00 KM	

Član 4.

Ovom Odlukom utvrđuje se iznos od 2.000,00 KM koji će se koristiti za vanredne intervencije (hitne i nepredviđene slučajeve) za projekte omladinskih organizacija koji se pojave tokom godine, a koje će svojim zaključkom odobriti Općinski načelnik.

Član 5.

Nevladine organizacije sa područja općine Jablanica kojima su odobrena sredstva za projekte u 2014. godini nakon potpisivanja ugovora o realizaciji projekata obavezuju se da odobrene projekte realizuju u skladu sa odredbama ugovora o dodjeli sredstava nevladinim organizacijama, a doznaka finansijskih sredstava vršit će se u skladu sa planom realizacije projekata.

Zadužuje se Stručni savjetnik za nevladin sektor i brigu o mladima da vrši monitoring odobrenih projekata, te prilikom sklapanja ugovora sačini poseban sporazum sa nevladinim organizacijama u kome će tačno definisati stavke koje su korigovane u odnosu na projekat koji je apliciran kako bi se isti uspješno realizovao, i kako bi se mogla pratiti realizacija istog.

Sporazum iz prethodnog stava je sastavni dio ugovora koji nevladine organizacije zaključuju sa Općinskim načelnikom Općine Jablanica.

Član 6.

Ova odluka stupa na snagu danom donošenja, a objavit će se u «Službenom glasniku Općine Jablanica»

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE

PREDSJEDAVALAČI OV-a
Damir Šabanović, dipl.ecc.,s.r.

Broj: 02-02-1030-9/14-XIX
Jablanica, 29.05.2014.godine

Na osnovu člana 49. stav 3. Zakona o prostornom uređenju HNK („Sl.novine HNK“ br. 4/04) i člana 30. Statuta Općine Jablanica – Prečišćeni tekst („Službeni glasnik općine Jablanica“ broj: 4/01; 3/02; 7/04 i 1/08), a u vezi sa provedenom procedurom javnih nabavki za odabir stručne organizacije za davanje stručnih ocjena u predmetu donošenja rješenja o urbanističkoj saglasnosti u slučaju kada dokumenti prostornog uređenja nisu doneseni, Općinsko vijeće Jablanica na svojoj XIX sjednici, održanoj 29.05. 2014.godine, d o n o s i

ODLUKU

I

Ovlašćuje se „Projektni zavod Hercegovina“ d.o.o. Mostar da za općinu Jablanica obavlja poslove kao stručna organizacija koja će davati stručne ocjene u predmetu donošenja rješenja o urbanističkoj saglasnosti u slučaju kada dokumenti prostornog uređenja nisu doneseni, obzirom da je po provedenoj proceduri javnih nabavki po Odluci o odabiru izabran kao najpovoljniji ponuđač i stručna organizacija za obavljanje navedenih poslova.



II

Ovlaštena organizacija dužna je da u skladu sa odredbama Ugovora koji će se zaključiti sa Općinom Jablanica koju zastupa Općinski načelnik izvršava svoje obaveze po predmetima za davanje stručnih ocjena koji budu dostavljani od strane Služba za upravu za prostorno uređenje, građenje, zaštitu okoline i stambeno-komunalne poslove

III

Odluka stupa na snagu danom donošenja, a objaviće se u „Službenom glasniku općine Jablanica“.

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj: 02-02-1030-11/14 -XIX
Jablanica, 29.05.2014. god.

PREDSJEDAVALAČI OV-a
Damir Šabanović, dipl.ecc.,s.r.

Na osnovu člana 18. Statuta Općine Jablanica („Službeni glasnik općine Jablanica“ broj: 2/09), Općinsko vijeće Jablanica na XIX sjednici održanoj dana 29.05.2014. godine, donijelo je

ZAKLJUČAK

I

Općinsko vijeće Općine Jablanica nije usvojilo Izvještaj o radu Sportskog saveza Jablanica za 2013. godinu

II

Ovaj Zaključak stupa na snagu danom donošenja i objavit će se u “Službenom glasniku Općine Jablanica”.

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj: 02-02-1030-12/14 -XIX
Jablanica, 29.05.2014. god.

PREDSJEDAVALAČI OV-a
Damir Šabanović, dipl.ecc.,s.r.

Na osnovu člana 18. Statuta Općine Jablanica («Službeni glasnik općine Jablanica» broj: 2/09), Općinsko vijeće općine Jablanica na XIX sjednici održanoj dana 29.05.2014. godine, d o n i j e l o j e

ZAKLJUČAK

I

Finansiranje sportskih kolektiva članica Sportskog saveza Općine Jablanica, kao i onih koji nisu članice od 01.07.2014.godine, vršit će se na način direktnog finansiranja iz sredstava Budžeta Općine Jablanica do 31.12.2014.godine, sa trenutno važećim kriterijima Sportskog saveza Općine Jablanica.

II

Za naredu sjednicu Općinskog vijeća Općine Jablanica pripremit će se Odluka o izmjenama i dopunama Budžeta – Proračuna Općine Jablanica za 2014.godinu, kao i Odluka o izmjenama i dopunama Odluke o izvršenju Budžeta – Proračuna Općina Jablanica za 2014.g.



III

Ovaj Zaključak stupa na snagu danom donošenja i objavit će se u “Službenom glasniku Općine Jablanica”, a primjenjivat će se za budžetsku 2014.godinu.

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj: 02-02-1030-13/14 –XIX
Jablanica, 29.05.2014. god

PREDSJEDAVAJUĆI OV-a
Damir Šabanović, dipl.ecc.,s.r.

Na osnovu člana 18. Statuta Općine Jablanica („Službeni glasnik općine Jablanica“ broj: 2/09), a u skladu sa članom 158. Poslovnika o radu Općinskog vijeća («Službeni glasnik općine Jablanica» broj: 4/09 i 5/10), Općinsko vijeće Jablanica na XIX sjednici održanoj dana 29.05.2014. godine, donijelo je

ZAKLJUČAK

I

Općinsko vijeće Općine Jablanica utvrđuje Nacrt Programa uređenja građevinskog zemljišta prema Urbanističkom projektu Gornja kolonija.

II

Sastavni dio ovog Zaključka je dokument Program uređenja građevinskog zemljišta prema Urbanističkom projektu Gornja kolonija.

Bosna i Hercegovina
Federacija Bosne i Hercegovine
Hercegovačko-neretvanski kanton
OPĆINA JABLANICA
OPĆINSKO VIJEĆE
Broj: 02-02-1030-14/14 -XIX
Jablanica, 29.05.2014. god.

PREDSJEDAVAJUĆI OV-a
Damir Šabanović, dipl.ecc.,s.r.

Izdavač: Općina Jablanica
Ulica: Pere Bilića 25
88420 Jablanica
tel: +387 36 752 651; 752 534
e-mail: jabl.o@bih.net.ba
www.jablanica.ba

Uređuje: STRUČNA SLUŽBA ZA POSLOVE OPĆINSKOG VIJEĆA
I OPĆINSKOG NAČELNIKA, ZAJEDNIČKE POSLOVE,
FINANSIJE LOKALNI, EKONOMSKI RAZVOJ I INVESTICIJE

Za izdavača: Šemsa Šehić

Žiro račun: 1011510000002921
ID broj: 4227265360008

Štampa: IC štamparija Mostar